

帘影雞聲錄



中華圖書館印行

中華民國七年十月再版

帝影雞聲錄

定價一角二分

版權所有

編輯者 中華圖書館

發行者 中華圖書館

印刷者 上海新開路中華圖書館印刷所

發行所 上海棋盤街中華圖書館發行所

分售處 本埠各大書局

帘影雞聲錄提要

此書爲廣東陳偉業先生傑作書分上下兩卷上卷述一女學生之敗類結識某顯官私窩改爲公館龜奴榮任檢查民怨沸騰家庭慘變描寫官場醜態可謂窮形盡相下卷則寫落魄軍人入山行獵日暮途遠投宿村家主人好客設酒殺雞作長夜之飲同坐有航海家實業家老學究各叙生平慷慨淋漓詠諧詭譎無所不至而尤以軍人之言爲最沈痛有功不賞撫髀興嗟愛國情深憂時念切出以雅馴之詞發揮諷諫之意是實大義微言匪可僅以小說目之也

清 朝 逸 史

虞山蔣志范先生編纂

常熟蔣志范先生爲史學大家尤熟清代掌故其所著書歷經教育部審定刊行并曾給額褒揚近又著清朝逸史精確完美迥非市上所售關於清代之紀載各書所可比約舉四大特色（一）考證精詳凡於時代地理人名爵諡年齒官秩科名以及親族譜系師友淵源皆考訂無訛（二）見聞廣博其搜採之博洽固不待言至若翁師傅沈北山錢司業李世忠某侍郎等篇尤皆得其秘聞從未經人道及足使讀者耳目一新（三）議論純正據事直書無所迴護凡偏駁疑似之談概從屏絕（四）次序分明從清初至清末分朝順序編紀設閱者欲攷索某朝之軼事祇須隨檢卷數頁數便得其餘優點甚多不勝殫述既足供清之資史館採取復可備文學家清談之助并便學校歷史科參考之用書分四卷都十餘萬言書印無多愛讀者幸速來購每部洋裝二冊定價大洋八角

帘影雞聲錄

(偉業)

第一篇

燃犀先生曰。一日爲星期日。羣飲於酒樓。執觥舉箸。狂吸大嚼。霎時酒痕狼藉。肴核遍地。客乃欠伸顧盼。醉語呶呶。蓋其腹已滿塞。酒肉其談吐。遂卽豪壯。衆論雜沓。不似頃者之寂寂矣。時一胖子方倚欄作遠眺。忽招手曰。衆盍觀乎。羣聞言一擁至欄。胖子努嘴示意。少年就其所指處視之。見一妖嬈。長裙委地。金練懸胸。方鼻鼻而前。一長身者忽失聲曰。彼人耶。一性急者問曰。伊何人。汝乃識之。長身者無語。及此妖嬈行後。羣復歸座。性急者又問。長身

者曰。子欲知其人乎。語之其言甚冗。諸君果耐聽者。吾滋不憚煩。一粗豪者曰。吾儕酒酣耳熱。正欲得醒酒物。君且恣言之。於時羣之爲狀。至不一。有目灼灼者。有狂吸淡巴菰者。有坐者。有隱几而臥者。長身者。乃獨據一胡牀。以背靠壁。徐徐言曰。此豸爲一天方教徒之女。目下則固煌然某官立女小學教師也。其姓名曰錦。必私其父前隸綠營。由茶房而晉至外委。則以爲我官也。願其官之代價。乃以面皮之血換來。嘗有莽人與之齟齬。擲之以掌。其面絕無紅迹。莽人異以告人。異史氏曰。其面皮已無血。又安得紅。抑知錦某之所恃。卽在面皮無血。否則早淪爲餓殍矣。有相者且謂其秉此異質。他日必能廣得利祿。異史氏曰。相者之言確哉。夫利祿。

團與面皮之血不能兩立也。錦某聞術者言益自負不凡。恃此以往事皆慊意不數年已成小康之家。而又天眷特隆更錫一幹蠱之女。卽頃所見之人也。錦某亦有子但爲狀殊蠢蠢其女則迥異常兒。平常女子多胸懷狹隘。醜覷瑟縮。而此女幼時卽休休有容。不與物忤。異史氏曰。此女蓋深得其父之異質遺傳也。錦某愛若掌珠。嘗指以語人曰。此吾家之門楣也。知子莫若父。及今觀之。斯言信哉。時省垣已設有女子學校。錦某固善趨風氣者。且其屬望於此女甚大。遂毅然送之入學。顧此女之聰慧乃在彼不在此。對於功課直類乃兄。叩之竭然。錦某殊不過問。且曰。有徽章焉。有校服焉。何必讀書。異史氏曰。錦某固醉翁之意不在酒也。此女深能

滿其父之欲望。緝遮革履。不畏多露。長於交際。能得教師歡。尤能克諸男子。其交際之程度。直遠追孟嘗君。待客有門下乘車之別。然其晉階之例。則不在於彈鋏高譟。而在於金錢勢力。質言之。蓋以金錢勢力爲比例差耳。論者謂此女有此卓識。不可謂非獨具隻眼。宜錦某之愛若掌珠云。然女於此時。雖結識男友不少。惟在彼眼光。尙無愜意之人。謂餘子皆碌碌耳。世非利祿相兼者。安足妻我。其自待如此。無何。風雲變幻。鞞鼓聲喧。武漢揭竿。五方響應。省中一次獨立。二次獨立。人民陷於恐慌。武士疲於行役。而錦某反因是而得償其夙愿焉。天之報施錦某。可云厚矣。然錦某之發跡。實其愛女之力。性急者問曰。其女殆效花木蘭之從軍歟。粗豪

者起而叱曰。汝但聽長身者曰。我先不云乎。此女固長於交際者也。時有某貴人曰。夷貴道者。喧赫一時。言重九鼎。顧其人佻自喜。儘日徜徉柳岸。藉飽眼福。一日偶與女遇。則如飢鷹之見小鳥。眸子瞭焉。亦趨亦步。不知是何法術。卽已眉語目成。好事者觀其返步迴翔。相與喁喁細語。異史氏曰。相逢何必曾相識。性急者問曰。此卽所謂交際之能事乎。長身者曰。此其先導也。貴人旣與錦女相識後。好事者常見其聯袂牽手。旁若無人。好事者更謂二人一見如故。卽夕聯床剪燭。歡若生平。性急者攬言曰。此人之所難能也。異史氏曰。錦女讀書時。幸不曾識得廉恥二字。否則無此氣概矣。自是如鶼如鶼。愛情濃郁。貴人遂常主其家。旣又謂屋殊歎。

仄不稱觀瞻。於是遷居一渠渠夏屋。傢私用具華洋兼美。更不惜
貢其鏟來之金錢。以供美人揮霍。以爲非金屋貯之。且不能稱其
愛憐之心也者。此美人既得金。則爲狀益媚。貴人處此。大有是鄉
樂足以終老之概。性急者問曰。貴人開礦耶。其金胡稱鏟來。長身
者曰。然。但他人開礦。須入礦井掘取。彼僅鏟去地皮若干。乃公已
一生吃着不盡。異史氏曰。此我國官吏專利之實業也。性急者問
曰。後此何如。長身者不答。性急者又問曰。汝說畢耶。胖子聽時。初
不言語。但有點首。此時乃笑曰。彼殆欲得酒耳。少年聞言。乃爲之
按鈴命侍者取酒。至長身者趨前。持酒作牛飲。燃犀先生曰。長身
者腹中滿貯典故。惟嗜酒。顧飲酒時。其語乃不能出諸吻。但在喉。

間作咕嚕咕嚕聲。及枯腸盡潤。則其語卽似決諸東流。滔滔不絕。若言之過久。又更須酒矣。長身者一吸盡其半瓶。其氣益舒。其言益振。乃繼續言曰。吾乘茲酒氣。一詳貴人之閱閱。貴人之父。人莫能舉。然其幼時。已異常兒。年才舞象。卽任某要塞之差官。敏慧機警。善伺人意。人多愛之。好事者謂其會食。某兵官以餘桃。故某兵官尤不能須臾離。而貴人旣得某兵官。待以另眼。則意氣洋洋。說者謂其今日之貴。卽於此時基之。異史氏曰。說者之言確也。未幾政府改練新軍。有弁目學堂之設。某兵官乃送其入校。愬愬半載。卽告卒業。貴人卒業後。仍返某兵官處。此時貴人益足自豪。旣得某兵官之寵。又具此湛深之學問。遂儼然國家干城。跨馬佩劍。據

鞍顧盼。貴人貴矣。貴人本工內媚。既貴之後。益縱情色慾。魚姑蜆
 妹。皆其所昵。揮霍大施。而羣雌粥粥。盡屬多情。咸有所饋贈。於是
 悉。貴人一身。皆爲紀念物。所據此物。殆如相思子。能應候而生刺。
 激。貴人受此刺激。卽復感念曩時溫柔鄉之樂趣。彼美之恩情。其
 味醞醞。大有橄欖回甘之況。燃犀先生曰。妓女之饋贈恩客。大率
 皆用此物。謂其勝於相思子云。好事者又謂貴人後得遇某名妓。
 是妓美極。廣頰大額。肥如竹鷄。貴人嘗撫其背曰。美哉我愛。吾何
 修而得此。名妓回眸斜睨。嗤焉一笑。貴人爲之軟化。從此極力報
 效。匪伊朝夕。名妓感其情。思得所報。會名妓幼時。得術者秘授。能
 咒人身體發出一種異香。非極昵者不輕貽。貴人非泛泛比。名妓

遂爲之施術。嗣後有與貴人接者，莫不聞異香撲鼻，如坐春風之中。好事者浴迫而觀之，始悉其源發於左足板上，足心一小孔，有涓涓者沁出不絕，異香蓋自茲出也。如此忽忽歲月，某兵官因國體之改變，與新進不相得，揣返珂鄉，貴人從之。臨行走別名妓，依不捨，泣數行下。貴人誓以不敢，或忘大惠，得間必圖報稱之言。名妓始揮手令去。貴人後此徧告其友，謂當日虞兮一曲，方之尙遜。言間若甚得意。異史氏曰：貴人足以自豪矣。貴人自返珂鄉，益覺蕭閒，顧其此好身手，何可放置。則日徵逐於桑間濮上，久之床頭告盡，彼粥粥者亦多避匿。貴人雖工內媚，至此全歸無效，只得暫屈家中。貴人固有誥命，然其誥命在母家時，實一村姑，但諳飼。

猪養鴨。殊欠丰韻。用是不得貴人歡。至是乃與稍狎。所謂慰情聊
 勝於無。顧不久即厭。儘日咄咄肆詈。謂新進紕謬。至令乃公困蹇。
 異史氏曰。貴人躬負兵略。大才如許。乃令鬱鬱牖下。是誠新進之
 惜。詈之宜矣。果未幾。新進不能與碩德清望相頡頏。遁走海外。中
 央任某顯官。開府本省。固某兵官之稔交也。貴人聞之。擊桌狂喜。
 曰。乃公之權利。可以回復矣。於是彈冠俶裝。走謁某兵官。某兵官
 覩其至。即令門客疾揮一函。貴人挾之。即夕買舟東下。抵省不逾
 晝。好事者即見貴人乘輿前呵。辟易途人。蓋貴人已據要津矣。貴
 人雖事集。顧貴人才高。措施良易。故每日多有餘暇。施施六衢。
 目光灼灼。貴人殆有所覓也。錦女如天之幸。乃得與貴人遇。拔諸

稠人之中。而加諸錦。褥之上。錦女固喜。貴人亦未嘗不喜也。若錦某則更狂喜。蓋錦某更事久。料事多中。錦某尤深信其愛珠。眼力高出儕輩。自能覓得佳壻。貴人位尊多金。得此何啻尋着寶山。若曰吾女眼力誠偉。必能光及門楣。吾老懷慰矣。錦某又自言年來運氣乖舛。彼新進者。乃謂吾老而朽。無所取材。棄置不用。尤醜。詆吾之面皮無血。抑知吾有此異質。術者且謂可以廣有利祿。彼詆吾者。殆由妬之一念使然耳。今者吾女獲侍貴人。吾即可藉此爲雲爲雨。蛟龍豈池中物。但欠此耳。今既得之。何事不可爲耶。異史氏曰。聽錦某之論。則知其更事久。爲不誣也。性急者。問曰。錦女嫁此貴人耶。長身者曰。此則吾不知。其臥同一衾。則好事者。謂爲確。

也。子何急急。姑耐之。吾說快畢矣。錦女既與貴人遷居夏屋。出則同車。枕則同夢。雖不夫婦。而儼成伉儷已。貴人髻鬢之時。雙頰如蘋果。身體瘦削。狀至可悅。距此倏忽。爲年已屆不惑。顧其體格。乃不隨年齡而增加。但容色則萬不如前。似血質過多。管不能容。故冒出於面而成癬。而貴人則以爲狀較前美也。異史氏曰。貴人誠美。然其美乃與人異矣。貴人固自以爲美。好事者則謂其所擁之美人尤美。此美人之美。直與貴人前昵之名妓初無伯仲。貴人嘗執以語美人。美人聽之笑吃吃。殊無妬容。美人尤能作種種媚態。以悅貴人。故美人有所陳述。貴人匪所不聽。諸子不曾憶美人曾受業於某女校乎。其曾卒業與否。余初不明了。但見其有所談吐。

新名詞輒隨口而出。錦某則盛稱其女飽學。卽貴人亦大佩服。以爲較己勝也。美人頗受其父及所歡之稱許。心癢不已。卽黷貴人爲之謀取此教席。好事者謂美人之欲執教鞭。初非關於經濟問題。更非欲盡其個人義務於社會。不過欲藉此頭銜。用爲炫耀。異史氏曰。好事者之言信也。性急者問曰。似此亦足擁皋比耶。異史氏曰。以貴人之力。何施不可。長身者曰。錦女旣爲教員。則吾此後宜稱先生矣。聞某校生言。錦先生上堂。亦能嘖嘖作新學家語。發揮自由平權精義。尤覺透關。能言人所不敢言。惟學生中則多羞慙。作小家女子態。聽錦先生言。多面頰如鮮桃。良不如錦先生之大方。卽校中同事亦自愧口拙。弗如遠甚。錦先生之交際。則益爲

超越靡論何處開會行禮。鮮不見先生之玉趾。又能評鷺酒樓戲院館子之優劣。名角之色藝。莫不津津能道。如數指上螺紋。且恆挾貴人而出。路人咸爲之側目。或涼宵夜午。貴人則立脫其大襖。加諸先生之躬。此時人有見之者。則又疑先生已晉爲娘子軍統領。因見先生戎服也。先生既傾倒一時。先生之尊人。則更足艷羨。制服燦然。徽章懸胸。威嚴如大將。當其屹立城門。搜查出入時。方之舞台所演之九門提督。王天化無此威風。蓋先生尊人榮膺檢查官矣。長身者言至此。忽囁嚅曰。吾此時以何尊號稱先生尊人爲宜。先生尊人今官也。在理宜稱之爲老爺。顧此二字。吾乃期期不能出諸口。於是沉思逾頃。乃毅然曰。吾但稱之爲錦老。亦庶幾

乎。既省吾詞。似於先生尊人官諱亦有含蓄。實去老爺無幾。吾今宜直稱之爲錦老也。計錦老尊庚。雖越知命。然精神尙矍鑠。每謁上官。叩首如搗蒜。亦不覺倦。卽此可見錦老強健過人。異史氏曰。錦老具有異質故也。言至此。忽顧一身材雄偉者曰。汝名爲赴赴武夫。乃不能一屈其膝。以視錦老。能無生愧。更顧少年曰。若汝之孱弱鷄肋。則遠不能望其肩背。美錦老視事勤慎。稱職無稍假借。勤務之際。雙目如飛隼之覓食。炯炯不稍瞬。以爲一瞬。則此目的物將瞥然而逝。故弗論人物。經其前罔能漏網。嘗有賣菓物之小販二人。抬一大簍。約重百餘斤。其中滿貯橘子。香蕉。天津雪梨。金山蘋菓之屬。吁氣而來。尙未跨及城門。錦某卽大聲喝止。二人不

敢怠慢。立卸仔肩。錦某卒。邏者至前。此邏者亦自知爲在官人。自待良。不敢菲。每遇小民。輒努目如金剛。暗鳴叱咤。手揮足蹴。以爲在官之人。自應如是。小民對之。但唯唯莫敢與忤。雖有違言。亦止能咽於喉間。偷一發。吻鞭且立至。或捉將官裏去。故相戒不宜多言。然此努目之金剛。若入面。其長官則又貼伏如狗。無復有偃蹇之態。但搖尾作乞憐狀耳。異史氏曰。此狀凡在官人皆然也。長身者曰。吾今宜回述小販事矣。小販覩在官人蜂擁而至。驚懼如中寒疾。而邏者卽高舉其手持之長鐵針。勢將縱貫諸菓。此時小販之驚懼心。乃不敵其愛物心。卽疾發言曰。幸諸先生少抬貴手。果如此者。吾果不得售矣。容吾逐一檢出可乎。錦老接言曰。乃公事

忙。烏。能。久。候。汝。不。愿。插。可。盡。傾。之。於。是。邏。者。不。由。分。說。一。聲。吆。喝。傾。筐。暨。之。小。販。再。欲。有。言。錦。某。乃。疾。蹴。以。足。小。販。噤。矣。而。此。菓。物。則。四。散。城。隅。紅。綠。相。間。錦。老。覩。此。面。現。笑。容。既。而。卽。歛。意。謂。在。官。人。不。宜。示。小。民。以。和。煦。以。自。貶。其。身。分。乃。厲。顏。叱。小。販。曰。予。汝。五。分。鐘。速。檢。汝。物。宜。疾。汝。手。苟。逾。時。者。則。立。驅。汝。小。販。諾。諾。連。聲。俯。首。疾。拾。顧。五。分。鐘。轉。瞬。卽。屈。而。菓。物。尙。未。能。拾。其。半。蓋。爲。數。已。多。又。散。諸。四。隅。且。往。來。者。滋。衆。能。拾。其。半。小。販。之。手。可。謂。疾。矣。而。錦。老。則。謂。五。分。鐘。爲。時。已。永。尙。不。能。拾。畢。此。小。販。直。鈍。不。可。及。因。叱。邏。者。立。驅。之。異。史。氏。曰。錦。老。可。謂。不。食。其。言。矣。小。販。頃。已。試。嘗。滋。味。此。時。更。不。敢。多。言。只。得。悵。悵。而。行。行。逾。刻。鐘。猶。回。其。首。意。謂。如。

許。菓。物。散。諸。滿。地。遭。人。踐。踏。滋。覺。可。惜。抑。知。邏。者。之。意。與。小。販。正。同。小。販。行。後。諸。邏。者。卽。分。頭。拾。取。不。五。分。鐘。已。畢。事。而。口。則。喃喃。然。謂。小。販。勞。及。乃。公。不。第。勞。其。手。且。勞。其。口。蓋。須。其。口。翕。張。也。異。史。氏。曰。小。販。胆。敢。勞。及。在。官。人。罪。當。不。赦。胖子。聽。至。此。忽。伸。脖。曰。子。言。此。吾。乃。頓。憶。一。事。吾。事。亦。此。類。也。吾。一。日。道。出。某。城。見。一。雉。卵。者。沿。途。作。歌。而。來。將。及。城。際。頓。止。其。聲。顧。小。販。之。聲。止。而。邏。者。之。聲。作。性。急。者。問。曰。邏。者。作。何。聲。胖子。曰。大。抵。叱。此。小。販。受。檢。查。也。小。販。被。叱。卽。停。其。步。邏。者。爭。前。翻。箱。倒。篋。都。無。所。得。但。有。卵。百。數。十。枚。固。可。一。目。了。然。邏。者。卽。欲。放。之。行。乃。有。一。皤。然。白。髮。之。檢。查。官。急。步。至。前。長。身。者。曰。此。錦。老。也。錦。老。見。此。卵。大。起。疑。團。曰。此。

卵胡爲被之以泥。得勿中藏炸藥。來可盡取。敲破驗之。邏者卽動手檢取。小販急辯曰。此皮蛋也。胖子言至此。卽竭性急者問曰。亦曾敲破否。胖子曰。檢查官令敲則敲矣。性急者問曰。此後如何。胖子曰。吾行矣。吾烏有權管此。性急者不復問。長身者繼言曰。錦老辦事至細心。卽糞夫挑糞而過。亦必飭邏者用其鐵針。細爲攪觸。恐其中夾有違禁物品。尤恐黨徒詭計百出。將炸藥假作糞狀。則幾欲盡爲嘗試。以辨其味。異史氏曰。錦老殆欲效句踐之爲也。錦老旣能如斯認真。宜爲上官所旌許。况復具此健膝。且爲貴人所汲引。則其晉官自意中事耳。果未幾卽洊升某區官。異史氏曰。此錦老異質之功效也。錦老荷此恩命。卽趕印報紅。分貽戚鄰。置酒

高謙是夕懸燈結采爆竹之聲聞于遐邇。錦老穿堂皇區官公服。高視闊步。錦夫人亦明襠翠羽。往來蹀躞。極盡主婦之職。卽其二蠢公子。至是咸能俯仰作膜拜狀。錦先生則與貴人聯肩並膝。尤得衆賓之敬禮。衆賓酒肉旣飽。則爭進諛詞。以諛錦老。實則諛先生也。亦有竟以長恨歌可憐光彩生門戶。不重生男重生女。句爲先生壽者。則尤中錦老之懷。先生亦頷之而笑。並斜睨貴人作媚態。意蓋獎此賓也。貴人旣受美人之青睞。卽亦樂不可支。掀髯大笑。衆見貴人笑。則咸張口和之。於是笑聲闐堂矣。街鄰聞之不覺亦笑。異史氏曰。似爲先生發也。貴人笑已。乃與先生相撲爲戲。先生爲力似弱。墜入貴人懷矣。衆賓乖覺。乃相將作鳥獸散。但留錦

夫人指揮婢僕收拾物事。此夫人至爲賢能。試觀先生則知夫人之教誨爲有方也。顧夫人之能尙不止此。蓋錦夫人前與接生保養之劉三姑相友善。過從無虛日。於是盡傳其秘。錦夫人亦嘗隨劉三姑臨況產婦家。故經驗至富。未幾夫人已可懸壺問世矣。有村人婦新從村間來。與夫人比隣居。此村婦固已便便大腹。臨暮夕卽敬延夫人至。村婦習勞動。身體健碩無倫。故亦多力。乃村婦用力久而腹中之嬰堅匿不出。錦夫人則謂宜施手術矣。村婦之夫亦村人。知夫人諳醫道。乃莫敢謂爲非。於是夫人高擡其袖。伸手直搗村婦子宮。猝嬰令出。顧夫人之手極肥碩。腹嬰亦不菲。夫人手又適捉嬰頸。嬰乃更不得出。夫人一動其手。村婦卽大喊如

殺猪。村人貯立作壁上觀。目覩其妻之痛苦。心脈爲震然。自顧殊無可以相助。則但目灼灼視夫人。夫人以嬰久不肯出。卽大奮神勇。強捉之出。顧嬰出而村婦暈矣。是嬰似爲夫人之神勇所懾。亦噤不敢聲。村人覩其妻暈。急上前扶持。施以種種灌救。始微微而呻。村人尙以爲夫人方撫弄其雛也。及一回顧。則夫人已不知於何時出門。但見嬰兒自臥於地。進前撫之。則觸手如被雪冰凍。逼人。蓋嬰旣目覩茲世。盡爲愁雲慘霧所籠罩。知非樂土。苟沉溺者。將不能拔。於是乘衆人不覺之際。立遁返其故鄉。異史氏曰。是嬰慧極。我愧弗如也。而村人無識。則謂夫人強奪其肥如小豚之嬰。並致傷其妻。乃號咷大哭。哭止而憤生。目眦盡裂。遂直趨夫人之

盧夫人方擬出門往探其戚。村夫忽狂奔至。力摔其髮。仆之地。夫
人痛極狂號。錦老父子奔出相救。村夫則騰身起。奮拳疾揮。弗論
人物。咸催落如秋葉。卽西游記所述孫行者鬧天宮。恐亦無此淋
漓痛快。村夫直舞蹈。至於興盡。始廢然出。其口猶作申申詈。錦老
等則俟村人去後良久。始相率扶將而起。呻吟狼狽。狀極委頓。明
日錦老憤欲出投街鄰。顧夫人慈善有容。極力勸阻。謂村夫妄人。
安足與較。錦老受其夫人所誨。則亦置之。村人則於其妻稍瘳。卽
行遷去。謂居此者。直不啻與鬼爲鄰。錦夫人亦將其招牌除下。或
以爲問。夫人則曰。我將有遠行。暫毋需此。故特空之。夫人自此養
疴闈房。數月始有見之者。夫人輒以抵家。未幾爲對而不知街鄰。

已竊竊議其事矣。此後夫人之招牌亦不再見。直至先生得遇貴人後，貴人知夫人爲女華陀，乃雕一額饋之。署某達官名，更爲製一銅招榜門，如律師之肆。好事者謂曾在人叢中見夫人乘輿如飛狀，似出診也。吾言此夫人，吾乃憶及貴人之誥命矣。誥命自貴人東行，日撫其所象之雞豕，怡然自得。則自計曰：吾畜一至歲，暮即可得錢。明春吾將多購雛兒，則吾於來冬得錢亦必較多。吾當鑄吾篋，令固至蓋棺。吾亦不啓，則吾之錢庶幾爲吾所有。吾聞老人言貯錢如待頑童，關鑰宜牢固，稍不經意者，卽脫手遁去。吾後此有暇，宜在灶下作一小窖，以置吾錢。如是則吾錢可永永不見天日矣。異史氏曰：誥命智哉，滋可爲法也。迨至陽春回復，百鳥交

鳴。草。木。咸。欣。欣。作。態。在。在。均。觸。情。緒。而。陌。頭。柳。色。尤。覺。撩。人。誥。命。不。期。思。及。其。夫。胡。以。一。去。久。久。杳。無。竹。報。乃。入。面。其。姑。用。資。商。權。姑。作。老。嫗。狀。卽。貴。人。之。母。氏。一。生。蓄。積。今。日。乃。成。此。龍。鍾。老。態。顧。姑。雖。老。而。齒。則。尙。完。固。旣。宜。咀。嚼。又。能。詈。人。似。爲。天。所。特。貺。平。居。無。俚。則。以。詈。人。爲。消。遣。其。媳。尤。習。聞。之。幸。媳。專。心。致。志。肆。力。於。雞。埘。豕。園。間。充。耳。若。無。覺。不。爾。者。生。趣。微。矣。姑。居。恆。作。莊。嚴。道。貌。令。人。望。而。却。步。詈。人。時。氣。咻。咻。焉。獐。如。惡。狗。尤。足。畏。人。其。媳。與。言。恆。喘。喘。懼。批。其。逆。鱗。則。耳。根。數。日。不。得。清。淨。卽。今。日。亦。挾。震。惕。而。入。其。姑。方。有。所。思。見。其。媳。入。乃。立。變。其。顏。色。狀。如。被。嚴。霜。媳。緩。緩。陳。其。衷。曲。姑。聽。言。中。似。稍。動。沈。吟。良。久。乃。曰。汝。且。出。容。吾。細。思。之。媳。

卽轉身出。姑於其媳行後。乃往問計於鄰媪。此媪似多才。村婦有疑難事。輒就取決。媪又能媚悅鬼神。恆得鬼神降其家。故媪能作鬼語。向人。村人則爭以活神仙目之。媪亦自號爲仙姑。媪與姑本爲摯友。相見恆不作寒暄語。以稔故也。姑此來。面色若有不愉。媪怪而問之。姑乃以其媳語奉告。謂茲行特爲此事。幸媪有以教我。媪聞言似甚關懷。乃曰。吾試爲汝請於神。以求指示。爾事神虔。神當佑汝。卽焚香作合什喃喃。若有所訴。更薰簽筒。令姑搖之。得一簽。姑固不識字。不審其中作何語。但媪則謂是簽實不吉。宜亟往該地。遲恐不及收其骨也。姑聞言立返。述其語於媳。媳聽未畢。淚已續續落。姑曰。此哭泣時耶。宜卽收拾行篋。吾將偕汝抵其地。一

探厥奧。此屋卽倩媪經理。自無不妥。於是摒擋竟夕。明日此遠征隊出發矣。媳與媪外。並挾其二雛。貴人之公子也。大者爲年約五六齡。少者尙乳臭。貴人行後始產。此行卽往面其父。雖似知之。終日狂躍爲狀歡也。詎料抵省後。百覓乃不得。而旅資已竭。在勢此時。但有向吳市中作生活矣。其姑乃倩人大書其事。率媳及孫伏首街頭。以待過者援手。好事者見而哀之。謂汝子居大廈而饜梁肉。乃令汝一寒至此耶。卽告以貴人所居。姑媪聞之。喜出望外。問途而往。比至。則見峻宇崇隆。獸環鎖戶。反逡巡不敢遽叩其門。旣而闥者出。則以爲句也。叱之使去。姑乃詢以夷某是否居此。闥曰。汝貧貴人笑爲者。汝欲得恤耶。此時貴人方高臥。卽不爾。亦宵屑。

盼汝。汝宜行矣。然吾觀汝貌。似逾日未得食。稚子尤可憫。吾爲人極慈善。言至此。卽探手入衣囊。取一銅板。擲於姑前。更曰。汝可拾此去。久候於此。亦屬無濟。將見驅矣。異史氏曰。閹者之言確也。言畢。揚長欲入。姑急前曰。吾儕非爲此。幸爲我傳語。夷某謂其母氏率媳。絜孫。問關。從鄉間來。踏破鐵鞋。尋着此地。吾果如汝言。不食逾日矣。幸汝爲我速入告。閹者聞言。則大怪。意謂貴人之母。在理不作此狀。然觀其舉動。似非狂癩。卽所衣亦似外來妝束。其言或不盡無因。乃和聲謂姑曰。汝老人姑坐此。吾試爲汝傳語。汝言果確者。必得貴人之迎。言罷而入。顧閹者之言。雖如此。而心則狐疑。以爲貴人何得令其母作窶人狀。脫嫗言屬實。則貴人宜誅矣。閹

者抵廳事。卽着小婢促貴人出。吃吃述其事。貴人聽未終。面色已數轉。由紅而紫。而青。繼則面黑。若鐵。似爲計決矣。乃揚其目。叱閹者曰。汝癩作耶。此乞婦狂言。汝敢爲之傳述。在法宜重懲。吾姑恕汝。老悖。汝宜立出。驅此乞婦。不使近吾壁。否則我門不令汝入也。閹者喪氣。出則洩氣於門外。襪褸之婦孺。方姑見閹者出時。以爲延之進。顧乃見驅。爲之錯愕。旣而引以爲誤。則貿貿然返。蓋其心斷斷。不料其哲嗣有此驚人之創舉也。明日重張舊幕於市。好事者過而怪之。進問其故。姑見好事者。則如見其親人。縷縷述昨日事。好事者掉首嘆息。半晌無語。俄而憤然作色曰。僮夫乃敢悍然出此。直禽獸之不若。吾不能袖手作旁觀矣。因繫此一千人。

返諸其家。卽夕設讌。招貴人赴席。并徧邀貴人之同僚。頃之。月上高牆。衆賓咸蒞。談笑甚懽。席上豐陳肴饌。縱客強飽。迨酒至半酣。好事者忽停杯語衆曰。幸諸公少留意。吾茲有事欲奉瀆。言畢。以日周囑座客。而獨不及貴人。隨回顧侍者。令促可憐之婦孺來此。座客聞好事者言。未及回答。忽見門簾掀動。一老嫗蹣跚而至。其後更隨一中年婦。及二稚子。座客見此情形。皆瞠目作呆視。惟貴人則面如傅脂。跼蹐無以自容。異史氏曰。此地胡不立闢一縫。致使貴人受窘。可恨也。此老嫗等既入門。則立趨貴人前。戟指怒詈。涕唾交併。昔日言笑晏宴之客室。乃忽成鼎沸。衆至此益莫名其妙。而回視貴人。則面如死灰。衆亦不能出一語。好事者惟旁觀呵

呵作冷笑。移時老嫗氣似少伸。始一一將其情由述於衆賓之前。嘖叨作洋洋數千言之大文章。衆賓聽畢。咸義形於色。大不直貴人之所爲。則發言盈庭矣。有慣作和事老人者。力伸其說。謂事已至此。則但有急謀善後之策。復回詢貴人立意。何居貴人於此。已不復能作蹇態。而其言則曰。吾薪微。若作長安居。良難爲力。復堅不認與錦女有嚙臂事。貴人之母聞其子但欲遣其還鄉。則力前欲批其頰。卽衆亦不以貴人之言爲然。復幾經唇舌。而議決矣。此議案之內容。卽合其母及妻主於和事。老人之家。月取其半薪。以爲俯仰。貴人亦不得外宿。並責其泥首以爲謝。此案遂得和平解決。顧貴人雖一時屈於衆論。未幾卽萌故態。家中殊罕見其足跡。

貴人之母。一日憤率其媳孫傭媪等。疾趨錦老之弟。思襲取貴人以問罪。詎知桃花門鎖。狡兔他遷。鴻飛冥冥。弋人何慕。只得悻悻返。然貴人之艷福。則初無恙也。曲巷幽谷。別饒雅韻。而香車寶馬。時驟於途。錦老之二蠢子。亦藉貴人力。一充某營稽查。一得官費入某學校。於時識與不識。莫不謂錦老門楣生光采云。長身者言已立趨案前。盡其餘酒。良久不復語。性急者不能耐。問曰。後此何如。長身者曰。後此我又焉知者。性急者尙欲發問。胖子乃伸膝而起。呵之曰。行矣。再不行。酒家且下逐客令。尙絮絮胡爲者。於是一闕下樓。混入人叢中。而回視。酒帘飄蕩。空際爲狀。似送客也。

第二篇

天問曰。吾自兵間歸。日縱於獵。放鷹。嗾狗。馳逐於深林原野中。樂
乃無藝。竊以爲天下恣情適意之事。無有逾於是者。彼狡兔。孜孜
營其三窟。方謂先生有以自老。乃一旦遇吾之韓盧。則立見殲於
道旁。其狡乃不得逞。且吾鎗彈。尤無情。雖以善媚之狐。肆其伎
倆。亦夷然無動。吾鎗烟一冒。彼遂長眠貼地矣。復有取巧之狙。捷
足之鹿。自以爲身負絕技。施施自得。苟爲吾槍所覷。亦必無倖。尤
有虎狼之屬。兒撫百獸。威福自恣。闊領深喙。軀雄貌獍。橫行肆意。
以爲天下莫敢予毒。乃不幸而中吾槍。勢且立蹶。尙有譎詐之猿。
高據樹杪。俛視遠矚。張口作鷺鷥笑。意謂吾槍不能及彼。吾試縱
吾槍。彼卽疾趨濃陰密綠中。旣而又跳躍於吾前。若相誘引。吾槍

一動彼卽立逝如此反復終莫能獲吾乃知猿之爲物蓋譎詐而善趨避陰險之獸也可詭遇而不可力取吾乃僞作疲茶狀倚樹伴睡密爲偵伺置槍於旁而握其機彼見吾久久不動遂悄然下樹猶未敢近則拾石以投又或故爲長嘯吾終若不聞移時漸近忽爲鳥聲所震瞥爾而逝旣而似知其故則又漸迫而前伸手捫吾足目灼灼注視吾佯若無覺復以手弄吾槍末更雙手持之以眼就槍口內窺如天文家之察恒星然吾指試動但聽嗤然一聲此物之魂直隨鎗煙散諸空際尸體橫陳腦漿塗地吾狗聞吾鎗聲迅奔而至遍嗅其身似惜其胸中雖滿貯詐術亦不能自保厥躬終成爲俘獲而止吾又嘗過一森林觀一似人非人之怪物厥

名猩猩。弛口摩腹。醜狀可哂。彼乃不自知其醜。作態睨吾。似引吾爲同類。不知彼雖儼然人面。猶禽獸也。吾縱不肯安能與之爲伍。吾尤惡其以紫亂朱。乃實吾彈於鎗。照準其便便大腹。而此怪物。鬣矣。須知吾入山久。遇獸至夥。其奇形異質。光怪陸離。匪但吾筆。秃難彰。即使善於寫生者。臨之。亦將有道窮之嘆。世無溫犀秦鏡。但有躬履其境。徐徐驗之耳。而吾書之宗旨。初不屬於獵事。蓋吾欲叙獵中一夕之所聞。故不得不約略言之。以引起吾所欲叙者。吾一日獵於廣澤中。同行尙有二人。其一身短而饒於膂力。惟登山則氣咻咻焉。其一身材適中。力雖不及此矮子。而矯捷乃無倫。吾則介乎二者之間。不足稱也。顧吾三人容貌體質。雖各不同。惟

嗜獵之心則一。吾三人每出必偕。固不止此日爲然也。此日之獵。得物頗夥。維時太陽已薄。崦嵫將作歸計矣。忽一獸爲吾狗所攫。自林中奔出。屬也。吾莫能悉其名。而爲狀殊美。吾試鎗之中矣。顧槍雖中。而彼乃不蹶。向前奔越如飛。吾嗾吾狗追之。吾儕亦逐諸其後。乃此物長脰善走。吾狗雖號韓盧。亦驟不能及。走者如月。逐者似流星也。如是縈繞迂迴。爲路甚修。久之始得。吾狗憊矣。卽吾儕亦感疲茶。因席地憩息。并燃煙草以蘇其困。移時倦態盡舒。起欲行矣。然四顧乃莫審來時所自。不覺相顧失笑。吾因憬然。人欲之足。令智昏。惟利是趨。不計後此。如何收局。吾今卽蹈此弊。來者方多。慎勿覆吾覆轍也。吾儕處此。頗形失措。欲就野人詢塗。顧

此地杳無人迹。併太陽亦匿於地下。將黃昏矣。相與登山瞭望。惟見暮色橫野。方向且不能辨。遑論道路。爲之廢然。衆知此時萬不能作歸休之想。但思尋得村舍。暫息吾躬。俾免露宿。爲野獸所乘。此山既無所得。乃再轉一山。果達吾儕之希望矣。遙望林中炊烟數數。知其中必爲村落。吾儕見此。精神復振。遂趣奔此村。幸爲路極捷。未幾至矣。村人見吾儕至。咸注目相矚。羣獒復奪門而鳴。衆小兒赤足。張目泥濘。被其頰。爭逐吾儕之後。意謂吾儕爲眩人。或弄猴爲戲者。吾儕行抵一家。其門坐一老人。手烟管。方與一中年談話。烟自其口縷縷。出面幾爲翳。既見吾儕。亦凝目以視。吾見此老人狀殊和靄。似可爲吾儕之居停矣。因上吾詞述來意。老人聞

言推椅而起欣言曰此奚不可者但吾慮隘陋恐不足以駐嘉賓客果不以爲屈者請卽在此下榻於是讓進廳事而室中已昏不辨人居停促家人掌燈吾儕卽將獵品槍械卸於廊下晉與居停爲禮居停復展問吾儕邦族吾儕一一答之居停聞吾儕爲休職士官則尤加敬禮并謂其弟亦尺藉中人甲午之役死於海但遺一孤孀婆矣吾弟死後初未聞政府有何獎恤弟婦貧不自聊吾卽邀其居此忽忽二十餘稔矣吾弟生時好結客揮霍無吝色故死之日家無長物而政府之待軍人亦初不爲其遺族顧慮卽有亦但具文耳居停言至此忽曰吾幾忘吾客飢矣將軍又安可負腹者因起囑家人治膳且曰寒家去市遠無嘉肴足以饜客然吾

家畜雞頗夥。殺之尚可佐酒。客自兵間來。當亦嗜此。茲值吾家釀初熟。可恣客縱飲。惟恐酒味醜耳。吾伴矮子。聞居停有酒。足以飶客。眼鼻掀動。口角似已流涎。卽面居停曰。吾一生嗜此。如命匪酒。則無論何事不足令吾歡。吾嘗曰。脫世界一日無酒者。則吾命亦斷不得生。言次。顧吾曰。吾儕不有獵品。曩乎此物。滋可下酒。復顧居停曰。丈亦頗嗜此乎。丈能否容吾至廚下烹割。恐府中人或不善此也。居停接言曰。茲物吾酷嗜之。吾兒亦常荷鎗出獵。得物卽以獻老人。吾取以媵吾酒爲樂。永也。惟茲物爲客所有。吾忝爲主人。乃以客物爲饗耶。然吾觀客皆豪爽中人。當弗計此。吾當進吾兒詔之行。庖不敢重煩尊客也。言畢。振聲呼其子。俄而一少年。

出。年。齡。約。與。吾。儕。相。埒。二。十。許。人。耳。狀。頗。矯。健。貌。亦。不。惡。無。村。人。俗。態。一。見。吾。儕。卽。點。首。爲。禮。并。一。詰。問。姓。氏。如。交。際。社。會。中。人。若。在。城。市。相。遇。不。復。知。其。僻。居。山。中。也。居。停。之。子。旣。與。吾。儕。通。問。卽。面。其。父。作。請。示。狀。居。停。告。以。前。言。矮。子。聞。居。停。言。次。卽。下。廊。取。狸。狴。黃。麋。各。一。佐。以。野。兔。飛。鳥。之。屬。以。與。居。停。之。子。並。作。謝。語。勞。之。居。停。之。子。捋。物。入。居。停。答。言。曰。此。何。足。言。勞。然。客。乃。能。嗜。如。許。物。耶。矮。子。曰。我。儕。良。會。難。再。曷。勿。作。長。夜。之。飲。則。區。區。者。又。安。足。言。多。言。間。矮。子。似。悔。失。言。卽。作。轉。語。曰。吾。頃。言。但。乘。興。而。發。吾。意。初。不。如。是。幸。丈。勿。以。爲。意。居。停。曰。客。前。言。正。中。予。懷。吾。前。特。愧。有。酒。無。肴。不。敢。強。客。且。恐。客。勞。體。疲。故。吾。言。遲。疑。未。遽。出。諸。吻。客。乃。

先我言之。吾正謂先得吾心。客今復言此。意謂吾吝於酒耶。須知吾家雖寒。斷不介介。且吾年雖老。而精神健旺。吾前此獨酌。嘗數數。至於月落。今夕何夕。既得嘉客。臨况復得嘉肴。佐飲。客謂吾能睡耶。卽睡亦不能寐。然則宜以客前議爲肆言未畢。吾伴之矯捷者。躍然曰。丈既有此清興。吾儕何妨相陪。言次復面吾。似徵吾之意見。吾笑頷之。吾不妨實吾言。以告讀者。蓋吾亦酒徒也。此時廳事中。吾儕及居停外。尙有二客。其一爲中年人。卽頃在門次與居停談話者。爲商業中人。面黧黑。似受海風所煽。而成此狀。而體軀則頗壯碩。聞其人自言。曾執業海舶中。觀其狀態。足證其爲一航海家。爲居停之甥。居停老姊之子也。其一年稍次於居停。其人面

頗儒雅。似爲斯文中人。實則迂士也。穹背彎腰。鶴頂鷹喙。聞吾儕談話。彼不贊一詞。但搖其膝不止。吾無以名之。名之曰搖膝先生。搖膝先生與居停爲中表行。幼時同攻一硯。兩小頗相得。及後長成。遂各適其適。不常見矣。今日偕航海家造訪居停。早吾儕四點鐘。到着村居。人飯早。彼輩已用晚餐。然迄今似又飢矣。凡此贅言。皆吾後此探得。特先記之。以曉讀者。居停又自言。少時亦曾苦攻文藝。寢饋於經史中。十有餘年。但吾資鈍。讀書殊不得間。既壯則去而爲農。吾父棄養。吾兄弟得先疇約百畝。雖不可謂厚。而亦足以自老矣。然吾弟有湖海志。居鄉良不便。遂與吾析產。繼乃盡售其地。徙居於城。吾於吾弟行時。亦不加勸阻。以士各有志。渠旣非

匿於下流。則吾何爲喋喋。但有各行其是而已。抑知渠竟從此破家亡軀。吾又悔當時何乃金玉爾音不試爲之着想也。雖然吾思吾弟破產之由。非因沉湎色慾及樗蒲之故。但其人忼爽好客。遂盡蕩其資。此雖鄉黨自好者所不爲。然實不足引爲弟過良。以下事非彼鄉黨自好者所能窺及也。吾聞居停言不禁點首者。再居停見狀似頗欣悅。卽續言曰。吾弟旣蕩其資。而其人亦死於海。似此遭值殊可憫也。吾弟幼時與吾共學。某年隨吾父往城中探戚。小住數日。渠乃得悉某水師校招取生徒。泊吾父欲歸。渠不願同行。求吾父准其投效。父見其有此志向。復經吾戚之慫恿。卽亦不行。旣而吾弟入校矣。吾父始返。吾見吾父獨歸。進而問之。吾父

爲述其事。吾此時不省此中是何况味。但嘿嘿而退。而心則甚思吾弟也。吾早喪母。弟復離我。熒熒父子。殊覺寂寥。後此吾弟但於冬夏二假回家。餘日皆居於校。回家時。并詔我以校中功課。吾迺稍稍得窺科學之門徑。故吾雖老。乃不甚頑。錮此吾弟之力也。洎吾父捐館。吾弟亦告卒業。遂挈其婦城居。吾則戮力田疇。出作入息。耕耘之暇。輒手一卷。溫理舊課。實則消遣時光耳。歲時伏臘。吾弟偶一至。吾亦極少。入城市。故自吾父逝後。吾二人未嘗作十日之長敘。及今思之。殊自恨不於農隙之時。就吾弟處。小住盤桓。則吾今日悲弟之心。亦可少殺。不如是之耿耿也。吾計乃不出此。但耽於農圃之事。未幾。東事決裂。吾弟仗劍北行。行時祇以書來。謂

倉猝上途。未遑面別。并謂此行早將性命置諸度外。厥後果捐其軀矣。當吾得書之時。心頗惻然。然吾弟已行。但有聽之。吾後此時。着人至城中偵問。惟所述咸不能了。了。大抵傳聞之詞。直至久久。戰事告終。而吾弟信息仍杳然。爲存爲亡。莫能斷定。然吾則意其必無倖也。又久久有客自北洋返。聞曾身與是役者。就而詢之。客堅言。吾弟隸屬之船。與敵交鋒。亦殊勇敢。但以無快砲及重鎧之故。終遜敵艦一籌。未幾受彈而火發。此時尙能鎮靜。自持不稍退却。俄而連着數彈。遂不能支。沉矣。全船無一倖免。又謂此役之敗。實由於主將不知兵事。并爲部臣省費之令。所勒不能充分。配備惜哉。并摭拾種種証據。以實其言。此客所說確也。弟婦聞言。悲

梗萬端。顧早已虞其如此。較之猝聞噩耗者。似尙寧貼然。吾一思及後。此乃無更見之期。則不禁酸氣上湧。淚簌簌下。墮襟袖間。乃爲之招魂設祭。以妥其靈。并邀弟婦家。此蓋吾弟婦已不能舉火矣。嗟夫。捐軀報國之士。乃僅得如是之報。施而謂峩峩髦士。有絕裾投筆而起者乎。徒令英雄氣短耳。居停言至此。歛歛不勝。吾伴之矯捷者。則握拳攢眉。若有所觸。吾惟嘿嘿不置一詞。而矮子口唇翕張。似有所語。繼見居停之子。握箸攜酒而出。其後尙有餘人。以盤承簋。芬香撲人鼻。觀矮子此時饞吻大張。顧其吻雖張。而語乃不發意。但思攫取食物。以充其胃。不暇詞費矣。俄而席布案中。所屬獵品。家禽數簋外。猶有脯鮮。并佐以小菜。約言之。肴品極豐。

足以恣客強啖而載酒之器亦不用杯而用碗居停則搗謙謂村
居人僿野不文但有此耳實則吾儕晉酒時亦祇能儕於僿野之
列彼恆好與酒杯接吻者始足稱爲文也居停旋肅客入席口中
猶續續述搗謙之語而矮子似都不聞但見其頤動口翕箸未及
放而酒已近唇口內作咀嚼吞咽聲蟬聯不絕爲狀極捷初無浪
費晷刻卽搖膝先生亦發奮有爲方居停與吾儕語時彼惟暗坐
室隅初不作聲但搖其膝以表示態度此時乃不止搖其膝而兼
搖其頭且手口亦不遑寧息在勢似先生勞矣顧先生初若無覺
蓋先生外狀雖極委頓而胃甚健也航海家則吸酒如航行熱帶
時之吸荷蘭水一口立罄頻頻引滿晉酒乃無算然其喉似甚渴

尙續進不已。居停之子亦健飲。數數乾其罍。吾與矯捷者咸不弱。飲如長鯨吸也。居停一面勸進一面亦引酒自勞。且謂此酒屬吾手。釀得勿忤客。否客宜多飲以盡歡。居停明明見吾儕堅執酒觥不釋。亦故言之以主人之道應爾也。顧居停言時屢舉其觴致所語斷續。歷落幾不復成句。讀而座客之答言乃至簡。蓋諸客皆能愛惜分陰。深恐以無謂之詞費其飲啖之秒。忽滋可嘉也。然幸居停陳醞至富。不爾者將沮諸客之佳興矣。方諸客恣情酒肉之際。忽有人聲闕於戶外。吾側耳以聽。聲似發自一男一女。而女聲之數爲多。且音響震如春雷。非詳辨之。直疑爲閨鬧之市。聚多人而成此調。然細聽其言。則似牀頭人與其薰砧。開釁惟男子之聲。僅

屬於剖辨而女則怒詈似又非平等國之戰爭直大國問罪於小邦但可云征討實則獅吼也而矮子不省因致詞於居停詢以何事居停初聞門外囂囂立成靜穆之容雙鎖眉睫既聽矮子語則又輾然面座客曰茲事言之頗足醜噱吾試爲傳述以供諸客之下酒客弗取厭否矮子開席至茲牛飲虎啖胃中似無餘地又欲取饜其耳乃疾謂居停曰吾一生於嗜酒外頗喜聞故事若事之有趣者吾耳尤不覺靡丈盍爲我言之丈聞言點首以示許可遂作咳唾聲似調其氣末更以酒膏其喉居停之聲發矣居停之言曰喧譁之二人名爲夫婦而實不見其有唱隨之時吾謂與其名爲伉儷毋寧謂爲仇讐之爲適時輒尋瑕抵隙狺狺如狗吠吾聽

之。至於胸中作惡。乃莫能使之去。此苦事也。然吾於此。不能謂因果之說。全無根據。茲二人者。卽似爲因果中人。夫名。居停言至此。忽轉語曰。吾不必舉其名。但諡之爲懦夫。似於其人爲稱懦夫。已失怙恃。而頗有資。此資卽爲其親之所遺。其父儉也。貪鄙成性。一生計較。益以其妻。半世之刻嗇。乃成此鉅產。固可以面團團作富家翁。而懦夫之父。似研究數學。用功過度。未幾遂溘先朝露。以身殉於科學矣。此着似宜得通人之憑弔。顧乃無之。然亦有竊竊私議以嘆息者。則大都作毀謗之詞。吾謂殊負此科學大家也。懦夫之母。善相夫子。二人志同道合。皆能以錢爲鵠。菲飲食。惡衣服。卑宮室。力遏其慾。趨於儉約。古哲所謂克己。所謂窒慾。惟茲夫婦。

有焉。二人力行苦修，歷世半紀，後果得貲。顧雖得貲，初未嘗浪用半文。五十亦不衣帛，頰白猶不食肉。方諸古人，不可多得，可尚矣。既而懦夫之父死，其母眷念良人，積爲夢嚙。時於睡中作算學家言，似與其夫研究此中奧理，不久竟追隨於地下。想偕其夫設計算研究所於陰府，以廣傳其道也。懦夫自其父母相繼逝後，遂以一身肩承此鉅額之遺產。顧懦夫所受於其親者，且不止此。尙得其父母種業之遺傳。幼時更飽聆庭訓，凡耳濡目染，莫不深印腦際。儼然具有父風，出納之吝，酷類其先。跨竈箕裘，人爭進諛。然懦夫雖齎小費，而豪於賭，一擲萬錢，視之若不甚惜。人謂懦夫此舉殊不類若翁所爲。實則其貪心方之乃父，爲大也。彼之力與牧豬。

奴鑿撲。卽欲博得多金。以償其奢愿。顯轉戰終年。懦夫殊少勝操。則又出其計畫之外。而懦夫意不稍沮。屢仆屢興。再接再厲。其言謂人。唯具有堅忍不拔之志。始可獲得最後之勝利。居停言此。卽作按語曰。其言是也。惟用之於賭。則謬矣。居停言既。以其爵近。吻一吸無餘滴。座客見居停飲。亦各傳其觴。矮子則仰吸其兕。實則方居停縷縷發詞之時。矮子已數數自竊其酒。座客咸萃力於聽官。視覺遂弛其職。矮子因行弄其狡獪。吾偶回目及之。彼卽作醜態。向吾似賄。吾勿聲。張吾顧之而笑。彼防人覺。則立回其面。以視居停。吾觀其作此狀。頓憶曩日軍中人號其爲酒虫。爲不誣也。此時居停飲已。復繼言曰。懦夫旣頻耗其貲。而下注乃益大。願其司

運之神不暇臨況。懦夫廟算雖多。終無勝着。直至背城借一。亦不能出死入生。懦夫竟一敗塗地而產破矣。當懦夫之父生時。已爲之娶婦。婦爲一里豪之女。懦夫之父工心計。思結援。里豪則人莫敢侮。而里豪亦涎懦夫之父有貲。彼此各懷利心。遂成此兒女姻親之局。厥後瑣瑣姻婭。懋遷繁多。吾弗能悉。吾今但言其女。此女在家之時。卽以悍潑聞於村。加以其父之恃橫。善良之士莫敢問鼎。故雖屈標梅實。盡依然待字璇閨。女於歸之心甚熾。而久久乃不得吉士相誘。於是遷怒及於其他。竟日詈鷄叱狗。毀器裂帛。笑啼無端。里豪之橫亦莫能逞。不得不上降書於其掌珠。思急爲之選婿。顧無有坦腹東床上者。里豪良用焦灼。此時恰值懦夫之父

欲了向平之愿。因緣老人乃爲之居間。三生石上。遂了却此一重公案。而懦夫受室矣。里豪之女。既得遂嫁。正如渴馬得泉。償其大欲。故初爲新婦時。雖受抑勒。尙能忍耐。既而野性漸萌。時與其姑扞格。其姑固不易與者。然方之若媳。尙覺善良。其姑乃不圖逢此勁敵。思有以挫之。而若媳亦頗怵於夫家之多貲。初不爲堂堂正正之挑戰。但設爲詭道。時出奇兵。以劫之。出其不意。攻其無備。其姑乃莫審抵敵之策。屢遭敗衄。而又無罪之可聲。且懾於里豪之勢。但有寘之中心。此方寸地。遂爲煩憂所竊據。而懦夫孱軟不振。惟有承望色笑。噤若寒蟬。馴至若翁一死。其奸更無生趣。惟戀戀於貲。不忍遽別。後愈不堪。若媳之孝養。不能不作長眠。此老嫗死。

矣。而懦夫卽爲承產之人。自此大權在握。操縱自如。平日溫溫未試。此時乃大出風頭。坏土未乾。遽張其樂。日與淫朋呼盧喝雉。其妻亦得分惠。遂縱其夫所爲。不加叟叟計。自結褵。至茲。此爲二人最親睦之時代。懦夫亦不省其妻。日間何作。但長日昏於樛蒲間。亦具謙以飲其儔。惟酒味頗不醇。以酒醇則價高。懦夫吝嗇性成。詎復任此。卽肴核亦甚菲。彼言善酒者。恆張口作牛飲。無須佳炙。也有時柔情勃發。嘗呼妓以賄觴。顧懦夫惟招其價廉之豸。謂上乘下乘。爲女均耳。胡必多耗其貲。始足云樂。懦夫蓋遂於計學者也。懦夫所眷之姬。項作乾泥色。而面部則滿塗脂粉。張口金齒。燦然。姬故時張其口。似特以示人。衣作時世裝。惟背已少駝。髮亦較。

稀此微覺不適於觀。然姬妙齡時固不如是也。懦夫儔侶亦有竊
 訾其老者而懦夫則堅言姬才三十許人耳三十許人又安足言
 老。且力引古時美人相印證。懦夫蓋心醉此姬矣。而姬亦殊不漠
 視懦夫。慙懃備至。酒闌徹席。滅燭留髻。懦夫如膺九錫。巫山雲雨
 兩情繾綣。懦夫後此遂長爲入幕之賓。然懦夫既迷於色。復縱其
 博。纏頭度支。思取償於此。顧其手乃不能與其心相照。但有將出
 請益不已。漸而經濟界呼應不靈。此時母夜叉驟復其本來面目。
 乃嘩噪無已時。而懦夫都不之恤。腦中似爲藥物所中。惘惘無覺。
 但思得錢直至破產之餘。唯賸一楹。聊蔽風雨衣食之費。尙無所
 出。牀頭人復長日相迫。懦夫不獲已。告急於賭館中人。此輩念其

平。日。踴。躍。輸。將。雇。之。爲。小。夥。懦。夫。自。此。遂。備。於。賭。館。矣。回。家。時。其。妻。復。役。之。如。牛。馬。偶。不。如。意。斥。聲。大。起。尙。多。方。盤。詰。百。般。箝。束。其。夫。乃。甘。之。如。飴。以。爲。前。此。罪。戾。過。深。卽。就。此。中。懺。悔。而。其。妻。則。持。此。爲。怒。詈。之。張。本。謂。日。前。果。聽。我。之。部。勒。盡。上。其。貲。於。我。者。寧。復。有。今。日。懦。夫。噤。不。敢。聲。似。服。其。妻。有。識。後。此。遂。成。爲。其。妻。之。俘。虜。莫。敢。抗。顏。以。視。此。等。人。可。笑。亦。復。可。憐。今。夕。又。不。審。何。事。開。罪。夫。人。受。此。呵。責。也。居。停。言。已。莞。爾。而。笑。座。客。胥。爲。解。顏。居。停。復。曰。吾。言。乃。不。覺。冗。恐。客。耳。煩。矣。今。茲。宜。盡。此。餘。杯。於。是。咸。引。酒。入。吭。飲。已。復。斟。居。停。忽。發。議。曰。似。此。啞。飲。頗。乏。趣。味。宜。宣。拇。戰。以。助。酒。興。矮。子。卽。爲。和。議。此。案。無。反。對。之。人。當。然。通。過。居。停。與。矮。子。首。先。接。

仗。揎。袖。伸。拳。高。呼。狂。飲。由。此。及。彼。戰。禍。蔓。延。此。役。良。久。始。息。座。客。似。已。洪。醉。居。停。飭。人。傳。膳。各。人。遂。晉。食。席。徹。後。人。上。苦。茗。一。巨。盅。復。有。果。物。纍。纍。人。爭。攫。取。以。啖。醒。爲。之。解。而。酒。酣。飯。飽。之。餘。譚。興。復。豪。皆。不。思。睡。諧。笑。雜。作。爲。狀。良。歡。搖。膝。先。生。此。時。振。其。頰。子。高。譚。闊。論。引。經。證。史。刺。刺。不。休。一。似。身。擁。臯。比。對。其。高。足。講。解。高。頭。講。章。也。者。惜。吾。儕。不。文。莫。能。領。悟。吾。乃。微。叩。先。生。之。身。世。先。生。喟。然。嘆。曰。命。矣。夫。天。之。將。喪。斯。文。也。道。不。行。顛。沛。必。於。是。小。子。識。之。先。生。言。至。此。嗽。聲。大。作。吾。笑。幾。不。能。忍。嗽。良。久。進。以。茶。氣。似。少。舒。而。奇。文。作。矣。搖。膝。先。生。曰。今。茲。吾。老。矣。西。山。暮。景。爲。日。無。多。尙。復。何。言。然。吾。壯。時。希。望。絕。大。髻。齡。入。學。醉。夢。科。名。經。史。未。通。卽。潛。心。

制舉下帷引錐焚膏繼晷簡練以爲揣摩自意取青紫如拾芥雖未敢以狀頭自許若置身瓊林宴者正復易易抑知飛將數奇文章憎命多年攻苦僅青一襟嗣後屢戰皆北棘圍蹀躞徒喚奈何而歲月之流失走逝捷如風飄都冥然罔覺甚而兒寒妻飢至不能號啼回首及之始省科名之誤我既省而悔固已老矣吾哭至於失聲然此時尙未能縱我恣哭則須急謀餽畜故也而環視雞肋不勝一雛雖欲投筆長征備身行伍攻城野戰斬將搃旗立功異域如班定遠萬里封侯故事固已不可次之扶犁把鋤春耕夏斂植杖耘耔出作入息則又四體不勤五穀不分焉能從事若織布製冠敷函礪矢亦幼而未習何能率爾操觚又或抱布買絲持

籌○握○算○然○而○懋○遷○設○肆○在○在○需○財○顧○茲○四○壁○亦○莫○能○舉○而○勢○又○不○
能○不○急○謀○得○賞○盡○吾○所○長○但○有○設○帳○授○徒○耳○昔○夫○子○道○不○行○講○學○
齊○之○魯○都○弟○子○三○千○彬○彬○濟○濟○吾○則○據○三○家○村○作○猢○猻○王○修○脯○所○
入○不○足○自○贍○幸○吾○略○習○岐○黃○自○思○此○亦○可○以○得○錢○因○懸○壺○招○診○以○
儒○醫○自○命○既○而○村○人○之○有○疾○病○者○款○關○求○治○吾○切○脈○處○方○儼○然○老○
醫○藥○石○雜○投○僥○倖○命○中○而○村○民○則○譁○然○稱○我○爲○聖○手○幾○謂○盧○扁○復○
生○此○論○一○出○羣○爭○向○我○門○限○爲○穿○生○意○殊○不○冷○淡○吾○對○人○亦○恆○言○
於○其○道○三○折○吾○肱○村○人○但○唯○唯○稱○是○且○從○而○贊○焉○實○則○吾○僅○涉○獵○
仲○景○傷○寒○論○旁○及○驗○方○新○編○而○止○似○此○又○安○足○言○博○而○村○民○蠢○蠢○
則○又○焉○知○其○有○爲○吾○促○赴○湮○槩○者○村○民○亦○但○歸○諸○天○命○無○與○吾○事○

此可慶也。吾初懸壺時，極爲寂寞。吾後此思得一法，賄人貽吾，以扁額。復以爆竹爲賸，而村人集矣。搖膝先生言至此，意頗自得。伸頰而笑，目幾無縫，黑齒盡露，爲狀絕醜。吾亦不禁爲之。胡盧先生笑已，復言曰：諸公聽之，此亦招徠之一法也。吾尙習麻衣術，爲人論形格，媿媿動聽。村人多以榮枯相質，諸如卜筮、擇星、胥蒞、取決，均足得財。吾又問：隨土富之後，陟彼高岡，指點氣穴，所得尤夥。主人並豐陳酒肉，恣吾飲啖。歸時更饋我以禮物。孺人稚子咸爲歡騰，爲樂雋也。諸公須知：硯田歲旱，收獲雖豐，飢寒無情，侵迫肌膚。而一家數口，待哺嗷嗷，幸吾藝術週身，差足自給，不爾者殆矣。嗟夫！授徒生涯，但有苦趣。臯比坐擁，直犴狴耳。搖膝先生語至此，半

响不言。唯聞嘆息。此洋洋洒洒之大文。似已作結。吾又將叙他事矣。方搖膝先生議論極酣時。衆咸傾耳屬目。無暇他顧。泊至搖膝先生綸音宣畢。則咳唾雜作。聲嘈嘈然而航海家亦於此時力伸其肢體。作抖倦狀。更以手揉擦雙目。睡態惺忪。力張其睫。衆至是始悉其潛游槐安遠尋淳于之路。矮子則謂方聽其嚶嚶作聲。何爲便睡。實則此嚶嚶者航海家之夢嚶也。航海家既飽睡。精神來復。則出其音吐。問頃者之作何語。矮子答曰。搖膝先生自次其列傳也。航海家曰。頃者吾倦而假寐。不覺濃睡。弗獲敬聆。譬咳。可憾也。雖然。吾前此已略聞之。且吾與先生方客爲稔。時時均可恭聽。則亦不謂爲失。矮子曰。然則君之睡宜矣。航海家曰。客皆坐談而

我獨睡言宜似未爲愜吾知過矣吾今茲睡魔已祛請言吾之所
遭以博客哂倘亦足蓋吾愆乎矮子聞航海家愿述故事則以爲
航海家海行已久故老相傳之海市昏樓必經目擊且海事至富
彼當有異聞詔我乃無復聲辨但張口以聽實則人之聽覺司於
耳官辨音審言初不屬諸口而矮子凡遇聽時恆張厥吻此不可
解者也航海家見矮子不語則繼言曰吾家式微父母復早棄養
吾貧不自聊至於塵生釜甑而又不甘終爲牧童樵夫以老頗思
涉南溟走塞外客死萬里亦無所恤然而不可卽得則行傭於商
店聊慰凍餒而意終不懌旣而涉世日久友朋亦多吾固每持吾
志以宣示友人朋類中亦有以吾意爲然者然是者半非者亦半

也。惟吾殊不以人言爲恤。果令人人皆以爲不善者。吾亦將試之。但請纓無路。此足困人耳。久之故狀依然。自分此生老死蓬蒿。不復能高舉遠拓。乃厥後忽得一友。爲洋船中人。時方養病家居。吾極力與之攀好。友亦以吾爲誠篤。頗示親暱。吾始徐徐述吾意。友曰。君乃有此志耶。然則赴吾洋船宜矣。雖然。茲事又安可戲。吾實告君。吾等海業中人。勞苦特甚。其性命之危。直如以蛛絲懸萬鈞於危崖。去死近也。客須知吾自有生已來。足跡止於里閭。讀書未多。見聞孤陋。又乏資財。不克自振於縉紳先生之列。所與交游。無非市井牙儉。因而腦根笨鈍。殊不能涉想危險之爲何狀。死又爲何物。蠢如鹿豕。但此一點冒險進取之心。似從先天帶來。則毅然。

謂吾友曰吾不畏勞卽死亦復無懟友幸爲我作曹邱惑且不朽
友曰汝果無所擇則得一業易矣然舶中人皆操海島異聲鈎駝
格磔汝定能辨卽彼管事者亦不以汝爲合汝脫欲執業此中宜
先肄方言之學乘吾月來有暇汝得間可過我我當以口授汝似
汝聰慧若但求粗通爲事良易矣吾後此得暇輒臨存吾友之家
執卷問難牙牙學語不數月大不列顛之日用常語居然琅琅上
口未幾吾友復出就事此行並挈吾往吾則大喜過望腦根幻爲
種種現象蛟螭海若恍惚神遇已而身處港輪順流出口吾憑欄
屬目心花怒開以爲宗慤破浪乘風不過如是比抵滬環顧洋房
巋然馳道廣闊過五都之市觸目琳琅應接不暇及今視之則觀

於海者難爲水矣。吾在港居留數日。始行登船。啓碇之日。吾已忝爲船員。實則言之顏赧。吾僅爲一侍者耳。吾先世亦書香家。清白門第。今竟淪降輿臺。五中滋愧。然至此亦不能斤斤氣節。但有慎執厥事。徐策將來。卽吾友告我。謂其初歷此中。亦復如是。而今則貴矣。吾亦不省其榮膺何職。惟見碧眼紅髮之儔。與之談笑無忤。在禮似稱敵體。若吾輩非呵斥卽鞭撻。以此例彼。從可知矣。吾舶出港。開足馬力。機聲鞞鞳。破浪而前。吾執苦之餘。臨軒面海遙望。遠水連天。垠然無際。海鷗上下。時集桅艙。微風徐揚。海平不波。則引以爲樂。此舶屬花旗某公司。爲航行大平洋之郵船。載重約二萬噸。吾當時尙不之省。月俸爲二大金榜。船中多粵人。故談論極

洽。吾好問。同事亦爭以相告。後此博聞強識。遂儼然熟手。船抵上海。下碇。吾嘗從夥伴游涉。則繁華佚麗。逾於香港矣。過長崎。采問所謂大木屐國民之風俗。恕吾目懵。吾乃不審文明之點何在。惟賣淫之肆。尙稱發達。卽吾村人亦得濫厠階前。盈尺地。嘗鼎一臠。此可味也。歷經南洋諸埠。觸目皆吾種人。熙熙攘攘。外狀似佳。同伴告我。謂此地初爲吾種。尋得斬荆棘。拓荒土。慘淡經營。吾種實開創之。厥後非我族類。從旁覬覦。挾兵移民。喧賓奪主。吾種起與鏖撲。屢操勝着。然終以國力不充。政府愚惰。後援無繼。主權遂爲他族所攫。吾種滿盤皆輸矣。同伴言至此。感喟不語。吾亦不問。知無幸也。厥後船抵金山。爲吾舶航綫之終點。乘客盡起登陸。吾身

已閒。遂與吾夥結伴游市。放觀新世界之宏規。恣我眼福。登臨既倦。則息於一小酒肆。傾樽以解煩渴。船中人無一不嗜飲。吾亦不能無染。吾之月俸。強半耗於是也。此肆飲者多華人。見吾等衣船服入。則爭起問訊祖國。吾等於法律政治。又焉知者。亦但舉目中所見之社會情狀相告耳。而僑民聞吾等言。及民情頗有蒸蒸之勢。則以爲樂。引酒慶祝。既而聽至兵疫薦臻。水旱頻仍。則又愀然不安。吾觀厥狀。知彼萬里羈人心。縈桑梓。至於喜戚形諸顏色。關切綦深。至情相感。吾雖胸無翰墨。未聞仁義之言。亦不覺爲之淚下。吾乃反詢彼等所操何業。爲况佳否。老者答曰。我等工人耳。長日作苦。所得僅足糊口。此地工價雖高。然物值滋昂。儉者減衣縮。

食。差。有。餘。積。若。吾。酷。嗜。杯。中。物。則。歲。往。月。來。仍。此。一。身。安。有。佳。况。
之。可。言。吾。曰。吾。在。內。地。聞。吾。族。多。於。此。中。致。富。殆。不。然。耶。老。人。曰。
匪。曰。無。之。然。萬。千。中。殆。無。一。二。而。沈。淪。黑。獄。感。冒。瘴。厲。以。死。者。無。
數。也。且。吾。國。權。孱。弱。又。乏。保。護。僑。民。之。方。聽。其。自。生。自。息。淪。棄。主。
權。而。積。威。漸。成。人。爲。刀。俎。我。爲。魚。肉。苛。例。重。稅。暴。虐。橫。施。無。得。伸。
理。幾。何。不。盡。胥。於。亡。也。蓋。亦。倖。焉。耳。若。他。國。之。待。遇。僑。民。則。大。異。
於。是。築。防。置。戍。保。護。惟。恐。不。周。脫。有。意。外。電。信。朝。發。而。軍。艦。夕。至。
矣。彼。此。相。形。雲。泥。遠。判。嗟。夫。吾。民。誰。實。爲。之。言。已。愴。然。吾。曰。聞。白。
種。人。好。高。談。人。道。其。言。行。乃。不。相。副。耶。老。人。曰。茲。言。也。唯。待。彼。同。
種。則。然。卽。彼。狗。馬。亦。知。愛。惜。如。遇。吾。民。則。不。特。另。換。一。張。面。孔。且。

別具一副肝腸。或體面商人。尙得邀其垂注。若吾等工人。小販。鞭
蹴。唾斥。直狗馬之不如矣。嗟夫。嗟夫。尙何言哉。尙何言哉。吾聽老
人語。此悲怛。不敢再有問。而回視座客。相顧慘沮。無歡。悶酒餘杯。
涓滴不復入咽。乃相與付費出肆。淒然話別。吾返舶後。是夕不復
成寐。蓋吾之感深也。船停一星期。轉舵迴航。沿途風色不佳。波濤
洶湧。吾初次遇颶。時瀕暈眩。惟尙克自支。竊視餘人。渾若無覺。心
頗爲怪。旣而自思。乃恍然。彼等久習若忘。從可知。天下固無難事。
矣。船行月餘。復抵香港。入口之頃。時值午夜。吾步上甲板。迎視島
中。電光燦然。如繁星羅列。而連雲巨室。籠罩烟霧中。隱約呈露。恍
惚瓊樓玉宇。似真如幻。令人神往。方凝盼間。忽見一中國乘客。狀

類文士者。目注岸上。步近吾側。漫聲唸哦。旁若無覩。吾竊聽之。但聞江山信美。非吾土。一語不審。此七字當訓何解。就其身試猜。大約非文。卽詩。似吾粗人。安足知此。則捨之弗顧。然此語乃牢寘吾胸。至今猶憶。此可異也。船留港中數日。復作第二次之遵海。此行不期乃覩奇險。驚悸忘魂。幾瀕於死。後此思之。猶作餘震。可懼也。吾船沿途無碍。及抵太平洋海面。則撥準指針。鼓輪飛渡。維時天日晴美。海平如鏡。風景絕佳。乘員爭上甲板賞眺。乃忽有黑色朶雲。自西方來。疾如弩箭之離弦。於此明淨絕無纖塵之天色中。點綴及此。正如着一黑子於美人潔白龐兒之上。大煞風景。衆咸翹首指示。發爲論議。吾殊不省主何。朕兆亦不知有何作用。但以爲

水。色。天。光。之。玷。耳。乃。舵。工。大。呼。暴。颶。將。至。宜。卽。停。輪。避。風。船。主。乃。
 發。令。拋。錨。諸。水。手。爭。以。繩。縛。置。物。事。紛。紜。無。寧。乘。員。均。奔。越。入。艙。
 而。陰。霾。果。已。四。合。風。卽。繼。至。波。浪。作。勢。攻。船。碎。奔。騰。船。身。隨。風。
 而。動。兩。句。鐘。後。颶。勢。迅。烈。力。驅。吾。船。勢。欲。拔。錨。而。去。船。主。乃。發。令。
 更。下。一。錨。船。身。稍。固。然。風。力。隨。時。暴。增。吾。舟。築。築。搖。動。此。時。吾。已。
 暈。眩。數。次。胃。中。所。積。之。物。悉。數。吐。盡。後。此。少。甦。吾。乃。匍。匍。就。玻。璃。
 孔。外。窺。惟。見。怒。濤。山。立。直。撲。茲。舶。續。續。而。至。遙。望。一。船。爲。浪。所。迫。
 迎。面。衝。來。勢。如。奔。馬。將。近。吾。舟。忽。一。高。浪。蓋。頂。捲。至。此。船。遂。無。影。
 無。踪。吾。觀。厥。狀。肺。葉。相。擊。魂。離。軀。殼。迴。念。危。候。自。知。不。久。人。世。則。
 深。悔。前。此。失。策。胡。爲。作。乘。槎。之。想。不。爾。者。何。至。目。覩。凶。象。海。事。豈。

可爲戲。吾乃不加審量。謬然請行。越半句鐘者。吾身入魚腹矣。方
自疚間。陡聞大呼曰。錨拔矣。吾船行矣。吾聞此聲。知已蹈來舟覆
轍去死已近。百無所冀。惟僵臥如死人。腦根紛亂。不復能涉思。但
聽萬聲雜作。船身忽拋。忽墜。爲勢絕猛。艙中諸物。咸騰躍作。愁跳
卽巨大之籠。亦無靜理。吾躬更不堪設想。撞跌拋墜。如被重刑。遂
復暈去。不審經歷若干時。忽爾蘇醒。前此諸景。歷歷猶記。心以爲
吾已死矣。奈何復有知覺。然則死真能爲厲耶。試一開目。似身仍
臥艙中。大不可解。乃揚目四視。覺己身所據。確爲頃者僵臥之處。
吾命似尙未死。然猶未敢自信。則力振吾頰。作語意謂。鬼必不能
言。吾果能說。必尙未死。已而聲發。居然成爲詞句。知真未死。則私

心引慶而眼中尙見天旋地轉。又以爲吾船猶飄忽於驚濤駭浪中。尙有死法。意復悵然閉目以思。心神志忑。忽覺有人以足蹴吾。睜眼試觀。審爲吾伴。方欲發言。而吾伴之音波已至。吾伴曰。吾以汝爲死矣。奈何不自支厲奄奄作死人態。吾不見汝已逾日。汝得勿消磨時光於此中耶。吾曰。臥此似未久也。惟吾船今作何狀。伴曰。安矣。吾曰。何爲。吾尙覺蕩晃失次。伴曰。汝暈眩之餘。安得不爾。汝狀似飢也。吾試得物以療汝。吾伴言已。卽出。吾聞伴言。船已無恙。生機暢發。卽感腹中飢腸轆轤。急思得食。然前此乃未之覺。此何故耶。旋吾伴手挈牛乳麵包入。吾目光灼灼。注視其手。吾伴乃不遽。將至前。放置他處。先援吾靠物以坐。然後以牛乳授吾。吾立

送唇邊一氣吸盡復攫取吾伴手中麵包塞入口內不暇細嚼卽轉輸於胃吾伴傍視顧吾而笑吾亦不遑辨其何樂但理吾事既而麵包已罄強勸吾伴往取伴不應復曰過飢之人不宜多食卽此已逾量矣盍回寢室稍休遂以手引吾行既至臥榻倒身便睡然精神實已少振乃以船事詢伴伴曰吾船錨既爲浪力所拔頓失根據逐濤而顛忽而升諸九天之上忽而沉諸九淵之下船員相顧失色思無倖免惟船主猶能鎮靜乃下令啓輪回航於是開足機力順風飛駛而怒濤暴颶交相追逐幸吾船堅固異常馬力極大稍能抗避不爾者支解矣然吾船駛逾半日始得一灣灣內重山疊障颶不能至乃遁此以避其鋒幸免尾閭之入船人咸大

呼。相。慶。然。吾。船。已。夷。傷。徧。體。矣。目。下。方。在。修。葺。一。俟。狂。颶。息。後。卽。重。上。征。途。汝。事。同。伴。爲。汝。分。理。汝。宜。自。攝。吾。行。矣。吾。聞。同。伴。媿。媿。而。譚。心。房。開。展。然。此。時。亦。但。能。作。感。激。語。身。體。尙。軟。化。也。同。伴。行。後。吾。卽。擁。被。酣。寢。翌。日。飽。餐。精。神。活。動。遂。執。事。如。初。吾。船。泊。此。三。日。大。颶。已。息。復。行。啓。旋。此。時。大。風。過。後。天。朗。氣。清。一。望。碧。然。心。怡。神。爽。吾。之。恐。懼。似。隨。暴。颶。颶。去。又。以。海。行。爲。可。樂。矣。作。者。曰。凡。人。之。情。類。多。如。是。禍。患。當。前。殷。憂。焦。竦。深。悔。大。戒。旣。而。境。過。情。遷。則。又。酣。嬉。如。故。恬。然。若。忘。滋。可。懼。也。航。海。家。更。言。曰。吾。第。三。次。出。港。時。卽。已。進。身。印。刷。手。此。實。吾。友。游。揚。之。力。同。伴。不。勝。艷。羨。亦。有。蓄。妬。於。中。發。爲。誹。謗。之。詞。謂。吾。一。無。足。稱。但。恃。輿。援。之。力。耳。言。至。此。

矯捷者挿語曰。嗟。夫人無援。系雖有才。藝不能自達。從古文章氣節之士。所以沉淪者。比比也。反之。若有汲引。則屠酤販豎。可以立儕顯貴。斯奧援二字。賢者恥之。而世益不堪問矣。矯捷者言已長。吁。座人皆掉首以和。而航海家亦引以爲是。則繼言曰。此行之後。吾稍得微資。吾友更詔我以要好之術。傾囊買春。廣事交際。於是人多以吾爲解事。交相游揚。吾後此遂晉階爲管事人。吾秩旣顯。得貲亦夥。而饋遺之費。歲實不貲。然稍一吝嗇。則前日之游揚者。將立變爲指摘。祿位危矣。故此應酬之貲。萬不能惜。蓋黃金勢力。足以驅人效死。不然時屆今日。但憑口舌包胥。雖善哭。吾知其無濟也。如此忽忽歲月。屈計距初次航海之期。已逾十載。長日洵洵。

歲無寧息。至此頗有鳥倦思還之想。自顧少有積蓄。則決意請辭。同伴亦有黯然戀別者。然強半皆以吾去爲喜。欲謀承乏也。當吾戒行李登途時。亦僞作惜別語。絮絮而道。吾知其詐。但目笑存之。吾既歸桑梓。乃出貲自營一肆。以逐什一。生意尙不淡漠。吾亦娶婦生子矣。而偶瞻雲水。猶躍然思動。惟成家以後。束縛拘囿。良不如前此之肆行無碍也。航海家言。舉座客競出。主見擬爲評贊。而尤以搖膝先生之作爲傑出。雋語諛詞。駢四儼六。惜先生出語稍後。方揮毫落帑之頃。忽居停之子。熟茗以進。遂將先生文思打斷。不者當成佳篇附錄於此。實足爲吾書生色也。惜哉。此時座人爭啜其茗。闔室寂焉。已而居停發言曰。方今天下騷動。厥聲洶洶。飲

馬長征立勳萬里時莫宜於客矣而客方且輕裘于于縱情畋獵窮探幽壑之勝弋飛逐走殆絕意不問國事此何故歟老夫暮矣墓門木拱塚中枯骨不足與言客憑盛年之力值易爲之勢亦泯焉寂焉壯志消斂吾乃不審英雄之指客其有說乎言未既矮子揚聲而起曰嗟夫吾丈茲言是也然丈乃不審吾心吾之嗜戰正如嗜酒乃謂吾能淡然耶吾髻齡相嬉身騎竹馬則以爲戰馬也及束髮受書卽習爲戰攻之術雖不足號萬人敵然亦可以備身行伍參贊戎機顧吾亦嘗廁將校之列午夜霜寒夏中暑酷暴身教戰空乏不休方期將卒同心練於兵甲一旦國家有事爭命疆場不能斬將搴旗破關拔幟當令楯負吾返誓不生還此吾之所

大欲也。惟時勢不恆，豪傑挺起，矮子言至此，忽念古詩曰：金陵王氣逼人來，亡命乘時亦霸材。念已復曰：一時人材雲蔚如火，如荼愧吾驚駘，乃不能與之比。馳則無寧擺脫鞍韉，逍遙原野，尚可自安。若圖戀棧，將見屠矣。吾奈何不識時務而不效明哲之保身乎？雖然，吾前此氣盛之時，意志固不如是之荏弱也。當吾霍霍磨礪之日，或有以吾爲非計者，謂汝醉心作刀環上人，究有何益？試問世之建左纛樹旗旄者，有幾人哉？而鋒鏑之餘，委身馬革，其間尙存何物？吾答曰：但留此名耳。或曰：休矣。嗟夫，世之所謂名者，又何物乎？醉句沿途以掌擊拍，高唱蓮花落。此中卽英雄之行狀耳。嗟夫，所謂名者，僅供醉句之消遣。君之好名心，亦可以休矣。吾乃憤。

然斥之謂吾儕保種衛國戰勝異族胥恃此好名心若奈何說而
遏之殆欲吾國爲波蘭印度之嗣乎乃不令彼再肆鼓簧指門示
客或行時猶作態睨吾以笑吾幾欲疾起力拳之忽思身爲主人
在禮不宜出此乃趣斂吾怒不者彼當仆矣然或人之言若晉於
今日則吾縱極不滿意亦但含笑不言不如是之憤憤也吾今日
刀劍餘生但圖醉飽尙何名之可言惟待葬陶家側耳然老驥伏
櫪志在千里吾雖解甲謂吾寧能閑坐如處子耶吾不於山林原
澤舒其筋骨則髀肉墳起懨懨欲絕此何可哉矮子言次助以舞
蹈人之見之乃類觀劇其語滔滔出梁益下荆襄蜿蜒曲折東流
入海乃未至洞庭而啾啾之聲已四作天將曙矣矮子議論正酣

陡爲此雞聲所撓其口卽暗而居停亦飭人將稀飯出於是座人團坐啜粥啜已盥漱一過吾儕卽欲乘茲野行吐納平旦之氣乃興辭而出老人堅留不住握手送別維時忽聞雷聲轟然打一當頭霹靂居停於此握手不令釋謂風雨且大至客乃欲以首試之耶盍歸休且作元龍高臥待天公放晴行未晚也吾儕際此祇得遵居停之意再行返室居停乃飭人部署牀榻咄嗟已辦居停復送吾儕至臥內觀吾儕偃睡始出居停行時雨師風伯已狂奔襲至此際百凡皆靜似爲威所懾唯聽風雨如晦雞鳴不已吾儕處斯風雨交撼危屋之下乃恬然酣寢實則爲狀危也脫此屋不任攻擊忽焉傾圮吾儕不已生入窰窰耶徼倖尙不至此吾儕得以

安臥。比及一覺夢回。黃梁亦熟。時日已亭午。吾儕飽餐一頓。爲禮請行。苦停尙殷勤留客。後見吾儕堅辭。乃遠送於村門之外。始行。停步逾刻。回首猶見其徙倚闌門。凝眸遠眺。滋可感也。吾儕腹飽睡足。精神奕奕。此時風雨過後。天日晴麗。野景宜人。沿涂漫唸狂嘯。迤邐從容。行次忽經小崗。遙見雉堞隱約。坡陀起伏。間望之。酷類峻獄。未幾。吾儕卽見囚。此中暮色亦已四合。乃開樽痛飲。玉山頽後。栩栩化蝶。嗟夫。諸君。吾儕酒囊飯袋。但圖醉生夢死。而長夜漫漫。不省何時旦也。

